

Electronic Visit Verification Unlocking EVV Podcast #4 Transcript

Sheila: Nyob zoo, kuv lub npe yog Sheila Itzen, kuv yog Wisconsin ib tug Neeg Sawv Cev Qhia Neeg Muab Kev Pab, thiab kuv yuav yog tus txais tos koj rau hnuv no. Kuv xav caws koj tuaj mloog Wisconsin cov lus sib tham saum huab cua, “Kev Qhib EVV”. Tuaj koom nrog peb tham txog Wisconsin EVV yog tus kws tshaj lij Amy Chartier, uas yog tus Thawj Tswj Xyuas Txoj Cai ntawm IRIS (Include, Respect, I Self-Direct) (Xam Nrog, Hwm Txog, Ncaj Raim-Rau Kuv) hauv lub Department of Medicaid Services (Tuam Tsev Tswj Xyuas Cov Kev Kho Kab Mob Kev Nkeeg). Amy, thov koj qhia rau peb me ntsis txog koj tes luag num hauv qhov hauj lwm electronic visit verification (kev txheeb npe hauv tshuab hluav taws xob thaum sib ntsib) los sis EVV?

Amy: *Ua tsaug ntau nawb Sheila; Kuv zoo siab tuaj koom koj hnuv no. Kuv tau raus tes koom nrog qhov hauj lwm EVV txij thaum xyoo 2019 los, thiab kuv tau pab muab EVV los siv tshwj xeeb kiag yog rau txoj kev pab cuam IRIS.*

Sheila: Peb zoo siab heev uas koj tuaj koom nrog peb hnuv no. Peb muab cov kev sib tham saum huab cua no los ua lwm txoj kev ntiv nrog teb rau cov lus nug txog qhov EVV. Peb nkag siab tias tej zaum cov neeg yuav muaj lus nug txog cov kev xav tau ntawm EVV thiab nws haum li cas rau lawv lub tswv yim tu xyuas ntawm IRIS. Rau cov kev sib tham saum huab cua tshwj xeeb txog IRIS, peb tau caw Amy tuaj pab kom peb nkag siab tau zoo dua txog txoj electronic visit verification (kev txheeb npe hauv tshuab hluav taws xob thaum sib ntsib).

Amy: *Qhov no yog txoj kev pab cuam tshiab thiab yeej muaj ntau yam heev. Kuv zoo siab tias kuv muaj lub caij tuaj teb tej lus nug txog EVV thiab qhia tias nws ua hauj lwm li cas.*

Sheila: Raws li kuv tau hais tag, kev sib tham saum huab cua hnuv no yog qhia txog EVV ua hauj lwm li cas nrog cov neeg koom hauv txoj kev pab IRIS. Amy, cia peb pib ntawm txoj kev nkag siab tias EVV yog dab tsi.

Amy: *Ua li ntawd, EVV yog ib qho txheeb txheem hauv tshuab hluav taws xob uas siv cov khoom tshuab hluav tawx xob los txheeb kom paub meej tias yeej muab tiag cov kev pab tu xyuas uas tau kev tso cai. Yuav tsum tau siv thaum twg yog Medicaid them rau cov kev tu xyuas tib neeg thiab cov kev pab tu xyuas hauv tsev. Raws EVV, cov neeg ua hauj lwm uas muab cov kev tu xyuas tib neeg thiab cov kev pab txhawb tu xyuas hauv tsev xa cov ntaub ntawv txog qhov kev sib ntsib mus rau lub lag luam EVV thaum pib thiab thaum xaus ib zaug twg uas lawv ua hauj lwm. Cov neeg ua hauj lwm siv tau lub xov tooj ntawm tes los sis daim phiaj tablet, lub xov tooj txuas hauv tsev los sis lub tshuab nruab ruaj txheeb npe hauv tus neeg koom kev pab lub tsev los nthos cov ncauj lus EVV.*

Sheila: Yuav sau cov ncauj lus EVV dab tsi hauv qhov kev sib ntsib?

Amy: *Tsoom fwv teb chaws txoj kev yuam kom sau rau yam ncauj lus:*

- *Leej twg yog tus tau qhov kev pab*
- *Leej twg yog tus muab qhov kev pab*
- *Muab qhov hom kev pab dab tsi*
- *Muaj qhov kev pab nyob rau qhov twg*
- *Hnuv muab qhov kev pab*
- *Thiab tus neeg ua hauj lwm lub caij tuaj txog thiab caij tawm*

Electronic Visit Verification

Unlocking EVV Podcast #4 Transcript

Yuav pab tau yog paub tias EVV tsuas qhia tau tus neeg ua hauj lwm qhov chaw nws nyob rau thaum nws pib thiab xaus nws lub caij ua hauj lwm. EVV yuav tsis taug qab tus neeg koom kev pab los sis lawv tus neeg ua hauj lwm thawm lub sij hawm ua hauj lwm.

Sheila: Amy, qee cov neeg xav paub tias txoj kev xav tau tshiab no puas cuam tshuam rau txoj kev tu xyuas lawv. Koj teb puas tau qhov ntawd?

Amy: *Tau. EVV yuav tsis hloov cov kev tu xyuas rau tus neeg koom kev pab. Tus neeg koom kev pab yuav tau twj ywm nws cov kev pab, lawv tus neeg ua hauj lwm thiab cov kev pab tu xyuas uas lawv yuav tsum tau muaj, EVV yog ib kauj ruam me me rau cov neeg ua hauj lwm thaum pib thiab thaum xaus lawv cov caij ua hauj lwm xwb.*

Sheila: Nyob rau hauv txoj kev pab cuam IRIS, cov hom kev pab twg thiaj yuav tsum siv EVV?

Amy: *Yuav tsum tau siv EVV rau cov kev tu xyuas tib neeg thiab cov kev pab tu xyuas hauv tsev. Yuav tsum puav leej siv thaum tus neeg koom kev pab xaiv ib lub koom haum muab cov kev pab tu xyuas tib neeg. Nyob rau hauv IRIS, yuav tsum siv cov zaus cim kev pab nram no rau EVV.*

- *T1019, Cov kev pab tu xyuas tib neeg hauv 15 feeb twg.*
- *S5125, Kev pab txhawb tu xyuas hauv tsev 15 feeb twg.*
- *S5126, Kev pab txhawb tu xyuas hauv tsev; ib hnuv twg.*

Thiab nws tseem ceeb yuav tau paub tias cov nqi sau raws 15 feeb twg rau cov kev pab txhawb tu xyuas hauv tsev thiab cov kev tu xyuas tib neeg uas yus cob qhia tsuas txwv kom cov neeg ua hauj lwm txheeb npe tuaj thiab txheeb npe tawm thaum pib thiab thaum xaus lawv lub caij ua hauj lwm xwb.

Sheila: Ua tsaug uas koj qhia cov ncauj lus no. Puas muaj cov kev sib txawv ntawm kev siv EVV hauv txoj kev pab cuam IRIS?

Amy: *Muaj, qhov sib txawv ntawm EVV yog txoj kev IRIS ntiav tus neeg ua hauj lwm.*

Sheila: Ua li, cia peb xyuas cov sib txawv uas yog pib xyuas cov neeg koom IRIS uas siv lub koom haum muab kev pab rau cov kev pab tu xyuas lawv. Lawv yuav tau paub dab tsi?

Amy: *Cov neeg koom IRIS xaiv ntiav tau tus neeg ua hauj lwm rau lawv los sis ntiav lub koom haum muab kev pab. Thaum twg tus neeg koom kev pab ntiav ib lub koom haum muab kev pab, lub koom haum muaj tes luag num los qhia lawv cov neeg ua hauj lwm siv EVV. Cov neeg koom kev pab uas ua hauj lwm nrog lub koom haum muab kev pab tsis tag yuav ua tej yam tshiab kom haum raws EVV. Lub koom haum muab kev pab lis tag nrho cov hauj lwm no.*

Sheila: Thiab cov neeg koom kev pab uas ntiav lawv cov neeg ua hauj lwm muaj cov tes luag num dab tsi?

Amy: *Cov neeg ua hauj lwm ntiav los ntawm neeg koom kev pab uas tsis nyob nrog tus neeg koom kev pab thiab muab cov kev tu xyuas tib neeg uas koj qhia los ntawm tus kheej los sis cov kev pab tu xyuas hauv tsev yuav tsum tau siv EVV.*

Electronic Visit Verification

Unlocking EVV Podcast #4 Transcript

Cov neeg koom kev pab yuav tau xyuas kom cov neeg ua hauj lwm uas ntiav los ntawm neeg koom kev pab nkag siab thiab koj raws cov kev txwv ntawm EVV.

Sheila: Ws. Qhov ntawd txhais tau li cas kiag?

Amy: *Qhov ntawd yuav tau xyuas kom lawv cov neeg ua hauj lwm tau kev kawm siv thiab kom lawv txheeb npe tuaj thiab tawm txhua lub caij siv EVV. Lub fiscal employer agency (koom haum tuav nyiaj txiag) yuav tau qhia rau tus neeg koom kev pab thiab tus neeg ua hauj lwm kom paub mus muab cuag cov khoom cuab yeej qhia siv thiab cov ncauj lus tshiab.*

Sheila: Yog ib tug neeg ua hauj lwm uas ntiav los ntawm neeg koom kev pab nyob nrog tus neeg koom kev pab, lawv puas yuav tsum tau siv EVV?

Amy: *Tsis tag siv, cov neeg ua hauj lwm uas ntiav los ntawm neeg koom kev pab uas nyob nrog tus neeg koom kev pab yuav tsis tag siv EVV.*

Sheila: Amy, ib lo lus yooj yim los txhais rau tus neeg ua hauj lwm nyob tib lub tsev yog lo twg?

Amy: *Yog li ntawd, tus neeg no yog ib tug neeg ua hauj lwm uas nyob ruaj hauv tib lub tsev nrog tus neeg koom kev pab los sis tus neeg ua hauj lwm uas yog ib tug txheeb ze thiab nyob rau hauv lub tsev muaj ob yim sib txuas ua ke nrog tus neeg koom kev pab.*

Sheila: Ua li, cia kuv hais seb kuv puas nkag siab qhov no. Ib qho qauv ua piv txwv txog kev nyob nrog yog ib tug nus laus uas nyob rau hauv ib sab ntawm lub tsev muaj ob yim sib txuas kom txhawb tu xyuas tau nws tus muam uas nyob rau ib sab ntawm lub tsev muaj ob yim no.

Amy: Koj nkag siab lawm, Sheila!

Sheila: Zoo heev! Kuv puav leej nkag siab tias yeej muaj txoj kev sib txheeb ntawm tus neeg ua hauj lwm nyob nrog hauv IRIS. Puas siv tib tsab ntawv ntawd?

Amy: *Yeej tseem siv tsab ntawv teev kev sib txheeb, tiam sis peb tau muab kho tshiab lawm. Muaj tsab ntawv [IRIS \(Participant-Hired Worker Relationship Identification\) Kev Txheeb Neeg Ua Hauj Lwm Ntiav Los Ntawm Neeg Koom Kev Pab, F-01201A](#) nyo rau ntawm DHS IRIS qhov vas sab nram qab Forms (Cov Ntawv).*

Peb thov kom cov neeg koom kev pab siv tsab ntawv kho tshia rau tej kev tso cai tom qab lub Peb Hlis Ntuj Hnub tim 1, 2021. Yuav tau muab tsab ntawv thiab cov ntaub ntawv txhawb xa mus rau tus neeg koom kev pab lub fiscal employer agency (koom haum tuav nyiaj txiag).

Sheila: Amy, cov no yog ib co ncauj lus zoo heev. Thov kuv nug ob peb nqe lus ntxiv puas tau?

Amy: *Tau kawg, Sheila.*

Sheila: Ua tsaug. Ib nqe lus nug uas nquag hnov nug yog kuv yuav li cas thiaj paub kuv lub IRIS fiscal employer agency (koom haum tuav nyiaj txiag) yog lub twg?

Amy: *Koj lub fiscal employer agency (koom haum tuav nyiaj txiag) yog lub koom haum uas them nyiaj rau koj cov neeg ua hauj lwm hauv IRIS. Muaj plaub lub fiscal employer agencies (koom haum tuav nyiaj txiag). Lawv yog iLife, GT Independence, Outreach, thiab Premier.*

Electronic Visit Verification

Unlocking EVV Podcast #4 Transcript

Sheila: Peb hnov qee cov kev txhawj xeeb txog txoj kev them nyiaj rau cov neeg ua hauj lwm. Yuav ua li cas thiaj tswj xyuas kom lawv cov neeg ua hauj lwm tau nyiaj them li qub?

Amy: *Qhov tseem ceeb tshaj plaws uas cov neeg koom kev pab yuav tau paub yog yuav tau ceeb toom sij hawm raws li cov kev xav tau tam sim no mus ntxiv. EVV yuav tsis hloov los sis los theej cov kev ceeb toom qhia sij hawm tam sim no.*

Sheila: Ua li, kuv muaj ib nqe lus nug ntxiv. Cov neeg koom IRIS thiab cov neeg ua hauj lwm kawm ntxiv los sis muaj cuag kev pab txog EVV nyob rau qhov twg?

Amy: *Muaj ntau cov chaw muab kev pab zoo heev. DHS qhov vas sab rau EVV muaj [nplooj qhia siv EVV](#) thiab ib [nplooj tshwj seeb kiaq rau IRIS](#).*

Koj puav leej mus cuag tau koj tus neeg pab tswv yim hauv IRIS, lub fiscal employer agency (koom haum tuav nyiaj txiag), los sis lub Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) EVV pawg neeg Pab Neeg Qhua.

Sheila: Amy, peb zoo siab heev rau koj lub sij hawm thiab ua koj tsaug uas koj qhia tag nrho tej ncauj lus no rau peb. Ua ntej peb xaus kev sib tham saum huab cua hnuv no, koj puas muaj tej ncauj lus tswv yim dab tsi qhia rau peb ntxiv?

Amy: *Yog. DHS mob siab yuav tswj xyuas cov kev pab thiab muab cov kev tu xyuas uas yuav tau muaj. Qhov no yeej ib txwm yog qhov tseem ceeb tshaj rau peb. Peb yuav ua hauj lwm ze nrog peb cov koom haum pab tswv him hauv IRIS thiab peb cov fiscal employer agencies (koom haum tuav nyiaj txiag), thiab lawv yuav koom peb nrog txoj kev mob siab no. EVV yog tsoom fww teb chaws ib txoj kev yuav tsum tau pib siv thaum lub Ib Hlis Ntuj Hnuv tim 1, 2021. Yog peb tsis siv raws hnuv ntawd, peb yuav plam tsoom fww teb chaws cov nyiaj txiag pab ntau heev. Peb paub tias EVV yuav muaj cov kauj ruam ntxiv rau cov neeg ua hauj lwm thiab cov neeg koom kev pab, tiam sis peb ntseeg tias EVV yuav pab tiv thaiv peb cov neeg koom kev pab thiab tswj xyuas kom lawv tau cov kev tu xyuas tsim nyog.*

Sheila: Ua tsaug dua rau koj txoj kev tuaj koom peb ntawm no hnuv no.

Amy: *Ua tsaug ntau heev uas cia kuv tuaj koom.*

Sheila: *Rau txhua tus uas tuaj koom peb txoj kev sib tham saum huab cua hnuv no, peb yuav qhia tswv yim thiab ncauj lus ntxiv kom siv tau EVV vam meej nyob rau hauv Wisconsin. Xav paub ntxiv, thov mus xyuas peb qhov vas sab ntawm dhs.wisconsin.gov/EVV. Ua tsaug uas koj tuaj koom peb hnuv no thiab kawm tau ntau ntxiv txog Wisconsin txoj kev pab EVV.*

"Koom ua ke peb yog tus yaum sij qhib EVV"